

799

Mai.

173.

Alcvinus Arnonis Salisburgensis archiepiscopi praesentiam exoptat, ecclesiae calamitates deplorat; gratulatur ei ob pallium acceptum hortando ad opus praedicationis et exercitia virtutum. 799 Mai.

Codd. S 1 fol. 109—112 (S 1 fol. 9—12'), initium habet B fol. 79—79'.*

Edd. M 6, Bern. Pez Thesaur. anecdot. II, 1, 9, F 82, J 113. — Migne col. 306.

5

DILECTISSIMO CARITATIS FILIO ET VENERANDAE SANCTITATIS PATRI DEVOTUS
IN FIDE AMICUS SALUTEM.

Multa habuissem tecum valde necessaria conferre, si tempus et locus, et faciei vestrae praesentia adesset: sive de generali sanctitatis ecclesiae statu, sive de speciali rerum ad nos pertinentium vicissitudine. Sed hoc erit, dum vult, qui omnia disponit, quae sunt in caelo et in terra; qui^a quandoque concedat nobis mutua caritatis verba inter nos habere, et cordis aestus verbis pacificis patescere. Sed, tu carissime! et omnium sacerdotum Christi cordi^b nostro iunctissime! obsecro intercessionem facere pro nobis, quatenus divina clementia et vos proficere faciat in omni bono, et nos regere dignetur ad salutis nostrae profectum.

15

Multae sunt huius saeculi occupationes, et diversae varietates, et eventus misera-
biles, et ecclesia Christi multis modis inpugnatur non solum a paganis, sed etiam a falsis fratribus. Et ubi fons aequitatis et iustitiae^c ad omnes per rivulos^d sanctitatis^e profluere debuit, ibi maxime iniquitatis palustris profunditas exalatur¹: sicut forte a sanctissima sede auditurus eris, quid ibi scelerum et nimiae atrocitatis nuper gestum esse refertur². Timendum est non solum hoc impiissimae pravitatis scelus, sed etiam maioris mali prodigium. Dum in capite talia aguntur, quid in corpore fieri possit formidandum est. Iustitia laborat, et iniquitas abundat, et caritas frigescit, et infidelitas serpit sicut venenum, et sicut cancer membra Christi maculare non desistit. Ideo dum tempus habeas, labora in verbo^f praedicationis, in virtute caritatis, in exemplo sanctitatis, in pietatis officio, in elemosinarum largitione, in misericordiae^g et pietatis constantia, quatenus ex huius caliginis miseria^h ad perpetuae beatitudinis lucem pervenire merearis, et meⁱ tuae salutis unanimem filium, fratrem, consocium, assiduis precibus vel ammonitionibus tecum trahere non desistas, ut pariter dicere digni^k efficiamur, donante aeternae pietatis largitore: 'Introduxit nos rex in cellaria sua, exultabimus et laetabimur in te'.

Matth. 24, 12.

2. Tim. 2, 17.

Gal. 6, 10.

Cant. 1, 3.

Gavisus¹ sum multum, dum tuam beatitudinem superhumeralis sanctitatem portare audivi³, et in honoris ecclesiastici sublimissima stare stabilitate. Et utinam hoc multis proficiat et tibi maxime prosit; ut dei et domini nostri Iesu Christi nomen clarificetur in te: et memento ministrum te esse magis quam dominum propter eum, qui ait: 'Ego sum in medio vestri, sicut qui ministrat'. Si ille deus et dominus omnium, redemptor et salvator humani generis non dedignatus est venire ministrare, non ut ministraretur ei; quanto magis et nos debemus modulum nostrae pensare paupertatis,

Luc. 22, 27.

Marc. 10, 45.

173. ^a) quia B. ^b) corde S 1, B. ^c) iustitia S 1, B. ^d) rivolos S 1. ^e) cetera om. B. ^f) verba corr. in verbo S 1. ^g) misericordia S 1. ^h) miseriae S 1. ⁱ) mecum S 1. ^k) digne S 1. ¹) Gavisus — incommodis condolare om. S 1*, unde novam hic incipere epistolam Frobenius haud recte coniecit, cui Zeissberg (*Sitzungsber. der ph.-hist. Cl. der Wiener Akad. XLIII*, 330 n. 2) assentitur.

40

1) Cf. supra p. 147 n. 9; Vers. ad Carol. imper. v. 39 (*Poet. Carol. I*, 258): Ne turbata fluat per mundum fluminis unda, | Unde solebat aqua pura manare prius. 2) a. 799. die 25. April. m. in Leonem papam cf. *Ann. Einharto adscriptos a. 799, Iuvav. mai. 799*: Hoc anno eiectus est Leo papa a sede apostolica VII. Kal. Maii et a Romanis martyrizatus. 3) anno 798. die 20. m. April.; v. Jaffé, *Regesta pontif. Rom. n. 2495. 2496. 2498.*

45